

Athör tueŋ cĭ Pĭter göt Wēt nom

Athör tueŋ cĭ Pĭter göt ěcĭ gät kȃc cĭ gam, kȃc cĭ Nhialic kuany. Kȃckȃ aake cĭ thiěi wuöt kȃk yiic pan Athia. Wēt gēt yen athöör ě rin bĭ yen kȃc bĭ ye kueen dȃet puöth bĭk gum, wēt ye ke nȃk rin cĭ kek gam. Aaye Pĭter lěk Wēt Puöth Yam ě rin Jethu Krĭtho, raan cĭ thuonde ku jȃn rot ku kȃden cĭ thȃn bȃ, ke cȃl aŋöth.

Ku rin ě wēt kěně adhilkě gam bĭk kepuöth dȃet ku guumkě rin ě gamden yen athem. Ku ŋickě lȃn bĭ ke riȃp akȃl le Jethu raan cĭ lȃc ku dȃc dhuk.

Na cȃk alȃn ye Pĭter ye lěk ke bĭk kepuöth aa dȃet, tě yȃk kek kȃreȃc, aye lěk ke aya, bĭk pĭr ke cĭt kȃc Raan cĭ lȃc ku dȃc.

Käk tȃ thĭn

Muöth tueŋ 1:1-2

Lěk rin kuȃny Nhialic 1:3-12

Käk dhilkě looi rin Pĭr ě Yam 1:13–2:10

Kě ye kȃc cĭ gam kony riȃäk yiic 2:11–4:19

Kuȃny kȃc cĭ gam 5:1-11

Muöth ciěěn 5:12-14

¹ Ȝen Pĭter atuny Jethu Krĭtho, Ȝen agět těně kȃc cĭ Nhialic kuany, cĭ thiěi běěi kȃk yiic pinynhom ciměn Pontuth, Galatia, Kapadokia, Athia ku Bithinia. ² Wȃda Nhialic acĭ we kuany rin yen kȃden wĭc thȃer. Ku Wěi Nhialic acĭ we looi bȃk aa kacke, ku kěya bȃk Jethu Krĭtho theek, raan cĭ thou rin bĭ adumuömkun pȃl piny. Bĭ dhěěŋ ku dȃördĭt rěer kek we.

Nöth akölrüec ebën

³ ʏok aa dhil Nhialic Wun Bányda Jethu Kritho leec. Ku rin lier piände tēnē ʏo, acī ʏo yiēk pīr ē yam, jōn cī yen Jethu Kritho jōt thou yic, ku kēnē ē ʏo cōl anōth. ⁴ Anicku lōn bī ʏok kāk ye Nhialic tāu kacke ʏök. Kākkā aaye muk nhial paande apath ē rienkun. Aaye tōōu tē cīi kek bī dhiāth thīn, tē cīn kē bī ke rac ku cīn kē nyēei ke thīn. ⁵ Aa tōōu ke ē rienkun, rin le wek gam bī we tiit ē riēl Nhialic. Ku kēya wek aabī luōk aköldā cīt tē cī Nhialic guiēr ye.

⁶ Miētkē puōth rin kē cī Nhialic looi, cōk alōn bī wek puōth aa riāāk ēmēn rin kājuēc bāk ke guum. ⁷ Ku kē ye wek gum, ee lōn bāk nyuōth lōn ye gamdun yic. Agut mīlāŋ tōc, ye raan lēu bī rac, aye kaŋ tāāu mēec bī them. Kēya, gamdun tēnē Nhialic wār mīlāŋ adhīl them aya bī tīŋ lōn bī wek puōth riēl. Ku Nhialic abī we cōl ayōk lēc ku duaar akōl le Jethu Kritho dhuk. ⁸ Na cōk alōn kēc wek ye kaŋ tīŋ, ka nhiarkē. Cōk alōn cīi wek ye ye tīŋ ēmēn ka ya ke gam. Ku acīn wēl puōth ye wek miēt piāndun teet, ⁹ rin wek aa kuōny wēikun ʏök, kēnē yen ye ʏök gam yic tēnē ye.

¹⁰ Kōc kāk Nhialic tīŋ cī we lēk rin dhēēŋ Nhialic, acīk wīc apēi bīk kuōny wēi kēnē ŋic. ¹¹ Ku Wēi Kritho rēēr kegup acī ke nyuōth tē bī Kritho guum thīn, ku kāpuōth bī rōt looi, ee kēnē cōk. Ku acīk them bīk ŋic ye nēn bī kēnē rot looi, ku yeŋō bī ye nyuōth. ¹² Acī Nhialic nyuōth kōc kākke tīŋ lōn kāk yekē ke lueel aacie kāk ē kuōnyden, aa kāk kony ē we. Kāk yakē ke piŋ ēmēn aacī atuuc ē Wēt Puōth Yam jam riēl Wēi Nhialic cī tuōc nhial pinynhom. Kākkā aacī atuuc nhial bēn aa wīc aya bīk ke deet

yiic.

Pir ë Yam

¹³ Këya, cökkë röt piny rin ë luoi. Duökkë röt cöl amër dhöl kök. Nätthkë ke ye dəc bī Nhialic gām we aköl le Jethu Kritho bën. ¹⁴ Thekkë Nhialic, ku duökkë piërdun cöl acök kakkun yakë ke wic wepuöth, cīmën wäär kuc wek Wët Puöth Yam. ¹⁵ Mεεckë röt wei kuat käreεc yiic ëbën akölaköl, cīmën cīi Nhialic raan cī we cööl rot ë thiäk kuat kërεc aya. ¹⁶ Acī göt athör theεr wël Nhialic yic ëlä, “Mεεc rot wei kërεc yic cīmën mec γεn kek kërεc.”

¹⁷ Të rööc wek tēnë Nhialic, ayakë cööl, “Wäda.” Yen ë luk looi cök tēnë kəc ëbën, kē cī raan looi yen ë tē bī Nhialic luöŋde luök thīn nyooth. Këya, rëërkë ke we thek Nhialic piërdun yic pinynhom ë tēn. ¹⁸ Rin wek aa ŋic kē cī we wëër bei pīr wäär yic, pīr cīn kē kuany thīn wäär cäk ŋic tēnë wärkun dīt. Ku wek aa we kēc waar kēn yäi, cīmën ye mīlāŋ təc ku mīlāŋ thith yäi. ¹⁹ Ku wek aaci waar rin cī Kritho rot gam bī nöc, ku kēnë ajuër thiek yic apēi, ee cīt manh amääl cīn kē diu yeguöp. ²⁰ Nhialic ëcī Jethu löc ke piny ku nhial kēc cak, ku cöl ajəl ŋic ë nīnkä riεnkun. ²¹ Ku ë Jethu yen acī wek Nhialic gam, Nhialic ë jət ye raŋ yic ku yīk duaardīt apēi. Ku këya, wek aa la gam ku ŋöth tēnë Nhialic.

²² Ku ëmën wek aaci la cök rin theek wek yic, ku bāk miëthakun anhiar ayic, nhiarkë röt kamkun apēi piäthkun yiic ëbën. ²³ Wek aa dhil röt nhiaar, ku rin wëtden rëër thīn akölrīëc ëbën, acī Nhialic we cöl aa ben dhiëëth, dhiēnh mīth raan cie thou cīmën kəc ke dhiëth yo.

24 Cīmēn ye athör theer wël Nhialic ye lueel ëlä,
 “Raan ëbēn acit noon ë riël,
 ku kuat këden path ëbēn, acit yöök ë tēŋ.
 25 Ku wēt cī Bēny lueel ë ya yic akölrïëc ëbēn.”
 Wēt kënë ë Wēt Puoth Yam ye atuuc lëk kōc.

2

Alel pīr ku kōc yam Nhialic

1 Kēya, pälkē luoi käreec ëbēn, pälkē lueth ku ruëëny, ku duökkē wepuöth ye yiëk këpeth kōc kōk. Ku duökkē kōc kōk ye lëk gup wël rac ë path.

2 Luoi kē röt bāk ciët mīthkor ye ciëk path ke muk. Yakē ciëk path wic akölaköl, ciëk ë wëikun ku bī wëikun dīt ke we ŋic Nhialic. 3 Rin aci gōt athör theer wël Nhialic yic ëlä, “Acäk yök ë röt yen tē peth Bēny thīn.”

4 Bäckē tēnē Bēny, Bēny yen cit alel pīr wäär cī kōc jai, ku aci Nhialic kuany ke ye këpath apēi. 5 Ku week aya, cit aleel pīr, wek aa buth bāk aa luan wëi. Ku bāk aa kōc la cök lëu ye bāk kāk wëi cī Nhialic gam juër ye rin Jethu Krītho. 6 Rin alëu raan bī kueen athör theer wël Nhialic yic, ee yen ye lueel thīn ëlä,

“Yēn acä alel ril path apēi kuëny bei aleel yiic,
 ku tääu Jeruthalem ë yam ke cit mēn,
 ku raan bī ŋäthde tääu alel kënë kōu aciī guöp bī yär.”

7 Alel kënë apath apēi tēnē wek kōc cī gam, ku tēnē kōc këc ye gam.

“Alel cī kōc ë buth kuec lōn cīī yen path
 yen aci bēn alel path apēi tēnē aleel ëbēn.”

⁸ Rin aci göt aban̄ dët yic athör theer wël Nhialic yic ëlä,

“Kënë yen alel bi kəc kecök dëeny,
ku ee yen kuur bi keek cəl awiëëk.”

Aa kecök dëeny rin kəc kek wët ci Nhialic lëk kəc gam. Ku këne yen ëci Nhialic guiir tënë ke.

⁹ Wek aa kəc ci Nhialic kuany ku wek aa kəc kək Nhialic aya, yen bënyñaknhom, wun ci ləc bi Nhialic luösi, kəc ë Nhialic. Nhialic aci we cööl bei muöth yic ku bakkë yerden dhëñ apei yic. Rin bək kəkken puöth ye ke looi lëk kəc. ¹⁰ Wek aa we cie kəc Nhialic, ku ëmën wek aa kacke. Wek aa we kuc ñuëën ë Nhialic, ku ëmën wek aaci tē ye Nhialic kəc ñuään thïn ñic.

¹¹ Mäthkië, wek aa yöök puöu ëbën, wek kəc pïr ke we cit jööl pinynhom ë tën. Duökkë wepuöth ë yiëk käreç ye guäpkun ke wïc, käreç thär kek wëikun. ¹² Piëërkë ë pïr path kam kəc kuc Nhialic, ku na cəkkë ya lueel lən ye wek luui käreç, ka bi kəpuöth yakë ke looi tñ bïk Nhialic leec aköl le yen bën.

¹³ Rin bi wek kë ci Bëny looi buöth yic, thekkë bëny məc baai, bënyñaknhom yen dët, ¹⁴ ku bëny kök ci ke luösi bïk kəc käreç looi aa tēm awuöç, ku leckë kəc kəpath looi. ¹⁵ Rin Nhialic awïc we ku bək kəc we jääm gup rin kuc kek kəñ, cəl aabit tē tñ kek we ke we loi kəpath. ¹⁶ Wek aacie aloony ë kəc kək. Ku duökkë këne cəl akum käreç yakë ke looi köth. Wek aa loony ë Nhialic luösi. ¹⁷ Thekkë raan ëbën, ku nhiarkë miëthakun ci gam. Thekkë Nhialic ku thekkë bënyñaknhom.

2:8 Ith 8:14-15 **2:9** B.bei 19:5-6; Ith 43:20, 21; L.rou 4:20; 7:6; 14:2; Tit 2:14; Ith 9:2 **2:10** Yoth 2:23

Kë ye gum Jethu nyuöth yo

¹⁸ Koc luoi aa dhil wët ye banyken lëk ke piñ, ku thekkë ke apei. Luoikë kënë tënë ke ebën, bany njic we ciëñ ku bany kuc we ciëñ aya. ¹⁹ Na gum arεem ke cie awuöcdun ca looi, ke yi njic Nhialic yipuöu, ke yin abi Nhialic döc. ²⁰ Ye lec njö tö thin tē beñ yi ku gum arεem rin awuöc ca looi? Ku na gum arεem rin këpuöth ca looi, ke yin abi Nhialic döc. ²¹ Ee gum kënë yen ë cöol Nhialic yi, rin Kritho aci gum ë rienkun, ku nyuth we tē bi wek guum thin cimēnde, rin bi wek dhölde buöth yic. ²² Acin awuöc ci kañ looi ku akēc lueth kañ lueel ë thuñde. ²³ Wäär ye kek ye läät, akēc bën adhuk nom ë wël rec. Ku wäär beñ ye akēc koc bën riääc lon bi yen kēde guöör, aci rot bën tääu ë Nhialic cin yen luk looi ë cök. ²⁴ Kritho acä awuöc jot, awuöc kärεc cuk ke looi, wäär reem ye tim ci riüu kök, rin bi yok luoi adumuööm puöl ku pürku ë pir la cök. Ku tētöök juēc ci yiäk ye aaci we waar ë thou yic. ²⁵ Wek aa we cit amël ci dhël baai, ku emēn wek aaci dhuök ciēn, bäk raan diεer ë we cimēn ye abiöök diεer amälke buöth, raan wëikun tiit.

3

Diäär ku Röörken

¹ Kälä aya, wek diäär wek aa dhil röt thön röörkun. Rin na le raan tö kamken ke kēc wët Nhialic gam, ka bi luoidun path cöl agēm, ke cin wët lëk ke. ² Rin aabi pirdun path ku tē theek wek ke thin tiñ. ³ Duökkë röt loi bäk dhēñ rin käjuēc ye ke tiñ wegup ayeer kepēc. Cimēn tē ye wek wenhüim

2:22 Ith 53:9

2:23 Ith 53:7

2:24 Ith 53:5

2:25 Ith 53:6

3:1 Epe 5:22; Kol 3:18

guiɛɛr thɪn. Ku ciɛŋkɛ mɪlɔɔŋ tɔc ku alɛth path juɛc kɔk. ⁴ Duɔkkɛ ye luui kɛya, ee kɛ rɛɛr yɪpuɔu alɔŋthɪn yen ɛ tɛ dhɛɛŋ yɪn thɪn nyuɔɔth, dhɛɛŋ la yic athɛɛk ku liɛr ɛ puɔu cie rot ɛ waar tɛ cɔk yɪn dhiɔp. Ku ee yen dhɛɛŋ ye Nhialic tɪŋ ke path apɛi. ⁵ Diäär thɛɛr wäär path Nhialic nhom ciɛŋ ke ŋickɛ apɛi lɔn bɪ Nhialic kɛ cɪ thɔn dhiɛl looi, aake cɪ rɔt thɔn rɔɔrken ku ee kɛnɛ yen ɛ ke cɔl adhɛŋ. ⁶ Thara acɪt ɛ diäärkã, ɛ ye kɛ cɪ Abaram lɛk ye bɪ looi, looi. Ku tɛ jɛɛm yen tɛnɛ ye, aye lueel bãnydiɛ. Wek aa cɪt Thara ɛmɛn tɛ looi wek kãpath tɛnɛ kɔc kɔk, ke cɪn kɛ riɔɔc wek.

⁷ Ku wek rɔɔr aya wek aa dhil ciɛŋ apath kek diäärkun, ku ŋɛckɛ lɔn diäär aacɪi ril cɪmɛn rɔɔr. Yakɛ ke ŋɛc ciɛɛŋ ku thɛkkɛ ke rin keek aabi miɔc path Nhialic yɔk aya cɪmɛndun. Luɔikɛ kɛnɛ rin bɪ rɔɔkkun la cɔk.

Kɔc cɪ gam aa gum rin luɔi kãpath

⁸ ɛmɛn awiɛc ba wɛt lɛk we wit. Ŋɛckɛ ciɛŋ kamkun, ku ye ŋɛk diɛɛr kɛrɛɛc bɪ ŋɛk yɔk. Nhiarkɛ rɔt cɪmɛn ŋɛk ke wãmɛnhɛ. Liɛr puɔu tɛnɛ kɔc ɛbɛn. Ku dhiɛlkɛ rɔt dhuɔk piny. ⁹ Na lui kɔc kɔk yɪ kɛrac, ke duk col tɛnɛ ke kɛrɛɛc dɛt. Na ye raan dɛt yɪ wɛi kɛrac, ke duk wɛi kɛrac aya. Na loi kɔc kãrɛc tɛnɛ yɪ ke yɪ thiɛc Nhialic bɪ ke dɔɔc. Yen ee kɛn cɔl Nhialic yɪ rin bɪ yɪn dɔcde yɔk.

¹⁰ Cɪmɛn ye athɔr thɛɛr wɛl Nhialic ye lueel ɛlä, “Raan wɪc pɪr path ku wɪc bɪ puɔu miɛt, ke cie jam wɛl rɛc ku cɪi lueth ye lueel.

¹¹ Ku adhɪl luɔi kãrɛc puɔl ku looi kãpath,

adhil them piände ebën bi ηιεc cienj apath kek kəc kək.

12 Rin Běny ee kəc path tiit ku ee rōökken piη, ku Nhialic ee yenyin pěn kəc käreεc looi.”

13 Yeηa bi cəl agum tē wïc yīn ye yīpuōu ba kēpath looi? **14** Na cəl kəc kək yī agum rin looi yīn kāpath, ke kēpath yen aloi rot tēnē yī. Duk riōc ē ke ku duk ye diεεr, **15** ku calkē Krītho aye Běny piērdun yic. Rēēr ke yī cī rot guiir akōlakōl ba kəc yī thiēεc tēt kē yakē ηōōth tō wepuōth wek kəc cī gam. **16** Ku duk kəc ē thany riel bik gam, kuēεc tēktēk raan dēt nhom. Loi kēya ba cīi ye yōk yīpuōu lōn le yen awuōc ca looi, rin bi kəc man tēpuōth cienj wek thīn rin ye wek kəc buōth Krītho gup yār kāk yekē ke lueel. **17** Anjūēēn ba gum rin kēpuōth ca looi tē wïc Nhialic ye ba gum, tēn tē bi yīn gum rin luoi kērac. **18** Krītho aci thou arak tōk rin adumuōōmkua. Yeen ē cīn awuōc cī looi, ku aci nōk bi thou rienkua yok kəc la gup adumuōōm bi yo wat nhīim tēnē Nhialic. **19** Ku yeen, aci jam wēt Nhialic tēnē wēi mac. **20** Wēikā aa wēi kəc wāār cī jai wāār tiit Nhialic ke bik kepuōth dhuōk ciēēn adumuōōmken, wāār guiir Noa riānde. Kəc lik ke cī la riāi yic, kəc kabēt, kek aaci Nhialic bēn kony aboor yic. **21** Ku kēnē aci miōc nhom, miōc nhom yen aye Nhialic yo kony ēmēn, rin Jethu Krītho cī jōt ē thou yic. Tē jιεεm yok miōc nhom, yok aaci jam rin acol ye laak wei kəc gup, miōc nhom wētde yic yok aa rōt thōn Nhialic ke puōn yer. **22** Ku Jethu Krītho atō pan Nhialic ēmēn ke rēēr cuēny ē Nhialic. Ku yeen amεc kāk la riel ku atuuc nhial ebën.

4

War p̄ir yic

¹ Këya, Kritho ëci reem ku guum ap̄ei. Ke week, wek aa dhil röt guiir bāk gum cimēnde. Na rem raan ku guum, ka cī yepuōu w̄el wei adumuōōm yic. ² Ku ëmēn le tueŋ wek aadhil p̄ir t̄ecit t̄ē w̄ic Nhialic ye th̄in, ku acie t̄ē w̄ic piāthkun ye th̄in. ³ Wek aaci r̄eer t̄ēbāār ke we loi kāk ye k̄ac k̄ec Nhialic gam looi. Wek aa r̄eer ke we yik w̄epuōth kāk bal ku d̄eŋ ē māāu, ku luai k̄arec k̄ac c̄ol ayār gup, ku duōr jak cī kiēt cī ke w̄ic. ⁴ Ku rin cīi wek röt ye māt ke bāk aa luui k̄arec k̄ac yōōr gup aya, ee ke ḡoi ku jiēm̄kē wegup ap̄ei w̄el lueth. ⁵ Ku keek aabi d̄hiel k̄ōōc Nhialic nhom yen luk looi t̄enē k̄ac p̄ir ku k̄ac cī thou, b̄ik t̄et ye l̄on puōth kāk cik ke looi. ⁶ Raan cī l̄oc ku d̄oc aci W̄et Puōth Yam l̄ek k̄ac cī thou, k̄ac wāār cī Nhialic luk looi t̄enē ke wāār p̄ir kek, cimēn ye yen luk looi t̄enē raan ëbēn. W̄et Puōth Yam ëci Jethu l̄ek ke rin bī w̄eiken p̄ir ē t̄ok kek Nhialic.

⁷ T̄ē bī kāk loi röt ëmēn th̄ok ëbēn aci thiōk. Cōkkē w̄epuōth ku r̄ēr̄kē ke we t̄ir nh̄im bāk l̄eu bāk r̄ōōk. ⁸ K̄edit ap̄ei k̄ariēec ëbēn yiic ē nhiēr bī ŋek-ŋek anhiar yepuōu ap̄ei, rin na nh̄iar k̄ac k̄ök, ke yin abi k̄arec yekē ke looi t̄enē yī p̄al piny. ⁹ Lor raan bō paandu puōn c̄in yic tiēel. ¹⁰ Na ŋiec miōc juēc Nhialic cī yiēk yī muk, ke yin adh̄il miōckā luōōi apath bī yin ke k̄ac k̄ök kony. ¹¹ T̄ē piōōc raan ē kamkun, ka dhil k̄ac aa l̄ek w̄et cī Nhialic lueel. Ku raan kony k̄ac k̄ök adh̄il looi këya riel cī Nhialic ḡam ye rin ee luai k̄enē. Kuat k̄ē ye raan looi ëbēn adh̄il

looi bi alεεc gäm Nhialic ë Jethu Kritho, raan la diik ku riel akölrïëec ëbën. Yenakan.

Wek aa gum rin ye wek kαc ci gam

¹² Mäthkië, duökkë gëi rin arεem them ë we guömkë, duökkë tak lön kë loi rot kënë acie kë ci rot kaŋ looi. ¹³ Miεtkë puöth, wek aa gum ë dhël töŋ thöŋ kek tēwäär ci Kritho guum thïn, rin yen abï ya miεt piändun tē le yen bën ke diεεkde. ¹⁴ Miεtkë puöth tē ye we lat rin ye wek Kritho buöth. Na loi kënë rot ke ηiεckë lön rëer Wëi diik Nhialic kek we. ¹⁵ Na le raan gum ke cïi dhil gum rin awuöc ci looi ye yen näk ë kαc, nadë ke ye cuär, ku ye raan aliäap ku ye rot ciεεk käk kαc kök yiic. ¹⁶ Këya, na gum rin ye yïn raan ci gam, ke yi duk guöp riöc, lec Nhialic rin ye yïn raan ë Jethu. ¹⁷ Luk abï Nhialic guö looi tënë kαc ëmën, ku Nhialic abï luk kaŋ looi tuen tënë kacke. Na jök Nhialic luk ë γo, ke luk abï dhiel riel tënë kαc këc Wët Puöth Yam bö tënë Nhialic theek. ¹⁸ Cimën ci ye göt athör theer wël Nhialic yic ëlä, “Käril aabi röt kaŋ looi tënë kαc la cök ku bi keek jäl kony, na ye këya, yenö bi rot looi tënë kαc adumuööm, kαc kuc Nhialic?”

¹⁹ Kαc gum rin yen kë wïc Nhialic tënë ke, aa dhil röt thön Aciënŋden kë ci lueel ka bi looi, dhiel tiεεŋ nhom. Ku dhilkë la tuen ke loi käpath.

5

Wëet tënë kαcdit ku riënythii

¹ Υen ë raandit, ku υen alék kαcdit akut tã kamkun ë piändië ëbën. Υen aci tē ci Kritho guum

thīn tīŋ. Ku ŷen abī diik bī Nhialic nyuəəth rəm kek ye. ² Wek alək ē puəu ēbən. Calkē röt aaye abiök kəc ē Nhialic cī yen ke we kuany bāk ke kony. Wek aaciī Nhialic wīc bāk luəi kēnē looi ke cīt luəi cī we mac thīn. Duəkkē luəi kony wek kəc cī gam ye looi rin ariöp ē rot. Luəiikē rin wīc wek ye bāk ke kony. ³ Duk rot loi ba kəc cī Nhialic tāau yīcök ba ke kony aa cieny ciət yīn ē bēny məc ke. Loi rot bī kəc cī gam yīin aa kiēt. ⁴ Ku tē le Abiöŋdīt bēn ka bī we gām ariöp dīt diik cī ben kaŋ mää.

⁵ Ku wek riēnythii yakē looi kē cī kəc dīt lək we. Ku week ēbən wek kəc cī gam, wek aa dhil puəth aa lier ku yakē röt dhuək piny bāk kəc kək ya luəi, rin yen ē kē ye athör thēr wəl Nhialic lueel ēlä, “Nhialic aman nhiam ku ē dhēēŋ gām kəc lir puəth.” ⁶ Dhuəkkē röt piny Nhialic ril apei cök bī we kony. Ku abī we jat nhial aköl le yen ye tak. ⁷ Duəkkē wenhīim ye yīek kək wiēc kē ke apei, cal kē alooi Nhialic, rin ee yen we tiit.

⁸ Pälkē röt piny ku tiēerkē nhīim. Raan aterdun, jəŋrac ē la tēn, ku le tēn, acīt köör cī wāth wīc raan ciem. ⁹ Rēerkē ke we ril ē gamdun yic. Duəkkē wētde gam, rin aŋiēc kē miəthakun cī wētde gam pinynhom ēbən, aa gum aya cīmēndun. ¹⁰ Ku tē cī wek gum tēthin-nyəət, ke Nhialic nhiar ŷo apei, yen cī we cəl bāk diikden akölriēc ēbən rəm, rin ye wek tək kek Kritho, abī kəriēc ēbən cök tēnē we. Ku abī we looi bāk gamdun cī war ku cəl we aa ril puəth akölaköl. ¹¹ Bī Nhialic məc akölriēc ēbən. Yenakan.

Muəth ciēn

¹²Wek aa tuöc athör cī Thilath γa kony, wämääth path cī gam. Wek aa yöök bāk riel gamdun yic, ku luεel lön kë ca göt ë dhëej Nhialic ayic, dhil wek rëer thīn ë puön la cök. ¹³Akut kəc cī gam Babilon, akut kəc kuan cī Nhialic kuany aya ke γo, ee we muöth. Ku Marko, manhdiën cī gam ë we muöth aya. ¹⁴Miäthkë röt muöth kəc cī gam. Υen ë röök bāk rëer ke döör ëbën, wek kəc Kritho.

5:12 Luai 15:22, 40
4:10; Pil 24

5:13 Luai 12:12, 25; 13:13; 15:37-39; Kol

Lëk yam
New Testament in Dinka, Southwestern (SU:dik:Dinka,
Southwestern)

copyright © 2006 Wycliffe Bible Translators, Inc.

Language: Dinka, Southwestern

Translation by: Wycliffe Bible Translators, Inc.

Dinka, Southwestern

dik

Sudan

Copyright Information

© 2006, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dinka, Southwestern

© 2006, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files dated 29 Jan 2022

d94b9d26-33ff-5c4e-819f-5bfe86ac9e55